


ORATIO:

*Quam, Papam esse Bestiam quæ non est &
tamen est, apud Iohan: Apoc. 17. ver. 8. in fine pro-
bantem, & eiusdem superioritatem ex jure civili
breuissimè refutantem*
(. . .)


*5. Nouembr. liberationi regia
consecrata*


*In Nobiliss. & antiquiss. Oxoniensi Aca-
demia publicè recitauit*

Adam Reuter. Cotb. L.



LONDINI
Excusum, typis *Humfredi Lownes*. 1610.





Viro Illustr. nobilitate rerumque ex-
 perientia præcellentissimo, Domino *Thomæ*
Egertono, magnò Angliæ, vt & Oxoniensis Academiæ
 Cancellario:

Reuerendo item Clarissimoque viro, Dom.
Iohanni King, Ss. Th. D. Vicecancellario, reliquisque
 eiusdem Academiæ Collegiorum Aularumque præ-
 fectis Reuerendis, Consultissimisque, Dominis fauto-
 ribusque suis humil. obseruanterque colendis.

V*iri, rectè temporis filia Veritas deno-*
minata est. Nulla nãque certior pro-
phetia, quam completa, explicanda ra-
tio est: cuius vis sacra & efficacia tan-
ta, vt nullo alio modo Papã Antichri-
stum esse demonstrari, quam præsen-
tis temporis ad prophetica Iohannis
verba applicatione, poterit. Quod licet ex ipso oratiuncula
nostra breuissimo cursu manifestissimũ, defuturi tamẽ non
sunt, qui papatui mancipati veritatem illam conficta homi-
num opinatione oppugnaturi sunt: Contra quorũ insanam
contentionem & tradititiã fictionem, quos alios quam vos
opponerem? Prater id enim, quod religionis vera amor ve-
ster constans purusque orbi notissimus, secus si facerem, vo-
bis iniurius, mihi ipsi planè essem iniquus. Instum namque vt

Epistola Dedicatoria.

ad dominum redeat quod fuit ante suum. Aequum, ingratitudine legis Persicæ malum nullum sibi accersere. Suscipite igitur, Viri, serena fronte hoc observantia, & gratitudinis erga vos meæ testimonium, & huius tenuitatem aequitatis & iustitiæ maiestatem excusate. Valete. Oxoni. 5. Novemb. Anno 1610.

V. N. & R.

Obscu.

Adam Reuter.



ORATIO.

Hæc, hæc est dies quam fecit Dominus, exultemus & lætemur in ea. Hæc hæc est quies quam fecit Dominus, ne contristemur aut conturbemur in ea. In hac die quies est, in hac quiete dies est. Deus ipse in hac die nostra quies, in hac quiete nostra dies est. O beatissima dies! O dulcissima & sacratissima quies, in qua & dies & quies nostra Deus ipse est! Quo igitur verbo, aut quo nomine, aut quo vocabulo dies hæc quies hæc à nobis indigetanda? Num Halcyonia dicemus, A. Gell. lib. 3. c. 10. quibus Halcyones hyeme anni in aqua nidulantur? Num Idem lib. 5. c. 12. Dijouem Lucetium? Num diem talem albo quæ veniat signanda lapillo? Plin. lib. 7. c. 4. Omne infra rem hanc verbum est, quia nullum ad rem ipsam significandam satis sufficiens est. Si enim l. 7. C. codic. verba rebus ipsis correspondere conuenit, neq; halcyonia, neq; Dijouem Lucetium, neq; albam, ad exprimendum id & quod volumus & quod debemus, dixisse suffecerit. Vnde enim, quæso, dierum illarum apud antiquos tam diligens annotatio, tam scrupulosa observatio, tam superstitiosa denominatio? Non certè tam à factis & gestis, quàm à nondum factis, nondum gestis: imò non tam probe gestorum iucunda recordatione, quàm præ malè gerendorum moesto timore. Quid enim annon ex tempestatis imminantis periculo ominoso, præsentis serenitatis reuerenda oritur observatio? præteriti læti temporis religiosa celebratio annon ideo, ne futuri tristis nos sollicitet

recordatio? A futuro malo, stultè impius in arca qui latitatoratur Iupiter. Futurum autem malum, malo, præsens bonum præsens facit malum. Ita autem bonum, si bonum, non nisi ex futuro malo bonum est. Ita autem quod est, sine perturbatione & metu bonum non est, quia ita quod est nisi ex futuro incerto, imò ex futuro certo, ingrato tamen & iniucundo, gratum & iucundum non est. *Rebus in aduersis quæ iacere iuuant.* Quis enim, nisi infelix poterit dici felix? Nulla virtus, nisi vitio collustratur. Nulla medietas nisi extremis coërceatur. Nulla halcyonia, nisi post septem dies tempestate subsequente. Nullus Dijupiter, quem non excipiat & commendet Vejupiter. Nulla dies alba, quam non illuminet atra & religiosa. Hanc autem nostram Halcyonia dixisse, diffidentia est: Dijouem, impietatis est: albam Irreligionis est. Quia & dies & quies nostra Deus ipse est. Sed quid dixi dies est? Interrogatus Thales Milesius à quodam, sciscitanti utrum prius factum esset nox an dies. Nox, respondit, vna prius die. Num idem & nos de die hac affirmabimus nostra? aut num diem hanc cum M. Varrone & Romanis à media nocte ad proximam mediam noctem diuidemus? aut cum Atheniensibus à sole occaso ad solem iterum occidentem definiemus? aut cum Babylonij ad exortum ab exorto? aut cum Umbrijs à meridie ad meridiem? In Deum cadere tenebras adstruere, irreligiosum est; ut cui & nox ipsa dies est, & tenebræ lux. Deum indiuisum diuidere, incircumscriptum diffindere, blasphemum est. Sine nocte igitur & sine tenebris dies hæc est; sine occasu diei exortus, ideoq; & sine meridie est. Miraculosa dies pugnae Iosua, & talis quæ non habuit similem à condito tempore: miraculosior nostra: miraculosa dies morbi Ezechia Regis: miraculosior nostra. Illam namq; bellum cruentum cum dura seruitute: hanc tristis mors, utramq; tenebricosa nox sequuta est. Nostra hæc-

nus,

Laërt. lib. 1. vit.
Phil. in Thal.

Lib. rer. hum.
quem de dieb.
scripsit. ap. Gell.
lib. 3. c. 2. &
Macrobi. lib. 1.
c. 1.
1. More. 8. ff.
feriis.
Psalm. 139. v. 11.

Ios. 10. v. 12. 13
14.
2. Reg. 20. v. 9.
30. 11.
Eccl. 38. v. 8.

nus, Deo immortali sit gloria, sub pacifico Rege nostro, Fidei defensore, superstitionis supplantatore, sine bello incruenta, sine seruitute læta, sine morte beata perduravit & perdurat:

*Tutus bos etenim rura perambulat,
Nutrit rura Ceres, almaq; Faustitas,
Pacatum volitant per mare navita,
Culpari metuit fides.*

Horat. lib. 4.
od. 5.

Nostra hæc sine nocte sine tenebris est, sole semper adscendente, nunquam descendente, sole semper splendescente, nunquam deficiente, perpetua fuit & est. Dies enim nostra Deus est, qui immortalis est. Certat certè huius diei nostræ cum perpetuitate bonitas, cum bonitate perpetuitas. Prima namq; creationis dierum initia si assumserimus & considerauerimus, singulæ illæ dies singulas suas habent à Spiritu sancto sibi attributas bonitates, nulla illarum sine mutabili vicissitudine dierum & noctium, suas perpetuitates: vna hæc nostra singularum illarum cum perpetuitate felicissima omnes simul habet bonitates. In æternas tenebras nos omnes omnemq; Dei Populū præcipitare secum flagranter cupiebat antiquus serpens impiâ & tartareâ conspiratorum flammâ die hac: hac die, Satana in perpetuas tenebras præcipitato, æternæ luci nos restituit alma Dei bonitas. Lux enim hac die facta est, & ea valdè bona. Coelum cum Terra mixtum, vtrumque, ut sibi sic & nobis ereptum gehennali parricidaliq; flammâ parricida destructor ardentem nitebatur die hac: hac die destructore destructo & coelo Dracone expulso, nos coelo, coelum nobis consecrauit infinita Creatoris benignitas. Coelum enim hac die factum est, & id quidem valdè bonū. Terra hac die facta est & herbæ & gramina campi, & ea omnia valdè bona. Solem ipsum & omnem stellarum innumerum pellucidum exercitum impio fumo infernalis prodicionis quo auferret nobis sollicitè quærebat tenebrarum

Gen. 1. v. 3. cū
scq.

rum princeps die hac : hac die tenebrarum princeps ad æternas tenebras condemnato, splendidissima nobis conseruauit orbis lumina, summa Dei Opt. Max. paternitas. Lumina enim hac die, & diei & nocti præsentia facta sunt, & ea quidē valdē bona. Parricidali & nefandā flāmā aëra volucris volatilibus, maria piscibus natantibus orbata anxie satagebat, Diabolo ipso peior impietas die hac: hac die homicida interfecto aëra volatilibus, maria natantibus aucta, nobis vindicauit, donauit, altrix Opificis pietas. Volatilia enim & natantia facta sunt hac die, & ea quidem valdē bona. Diabolicā spirante flammā interfecta esse connebatur strenuē omnia in terra spirantia animalia impia Sathanæ scelestissimi ferocitas die hac: hac die impia flāmiuoma conspiratorum turba confusa, æternū durante & spirante animalium benedictione maximā terram nostram omnem fecundauit omnipotens diuini Numinis æquitas. Pecora enim campi hac die facta sunt, & ea quidem valdē bona. Imaginem Dei, Draco tenebrarum vinculis ligatus, fulgurante flammā ex orbe Christiano, vnā cum Christo ipso, quantum in se, sublatum obnixē laborabat die hac : hac die, Draconem ipsum imagine Dei destitutum à facie sua reiecit benedicta, sancta & gloriosa Trinitas. Homo enim hac die ad imaginem Dei factus est, & is quidem valdē bonus.

O quā miraculosissima igitur dies hæc ! ô optima ! ô benedictionibus diuinis plenissima, abundantissima ! Sex dierum spacio Deus Verbo suo in prima hominum & creaturarum creatione laborauit : hac die, vna die vnoque momento dierum illarum sex laborem benignus benedicens absoluit : hac die ipse creator in nobis creaturis suis misericors quieuit. In nostra enim liberatione & benedictione facta est illi sacratissima quies : & nostra ipse liberator sacratissimus factus est quies : quies carens fine, quies
tuta

tuta à conturbatione, quies ab omni exempta commotione. Quia et dies nostra et quies nostra Deus ipse est. Quid igitur? In hac die num genio indulgendum? in hac quiete nū otio torpescendum? In hac die ambulandum: in hac quiete vigilandum pugnandum. Illud veritatis, hoc pietatis est. In veritate igitur ambulemus, in pietate vigilemus pugnemus, ut mendacium et impietatem, ex qua hodierna liberatione erepti sumus, eitemus. Ambulemus inquam & vigilemus. Nam & coelum Gigantes habet inimicos. Nec noster hic sine serpente paradisu est. Præteritas namque cruentas lachrymas florentissimæ regionis huius, ut & aliarum circummurancarum sicco quod aiunt pede prætereamus, hostis nostri insidiarum parricidalium præsentissimarum, ipsum caput nostrum, à Deo ipso in regem nobis vinctum (nobis dico, ut Regi Serenissimo iurata meam obedientiam fidemque, subditus, innuam, ut vobis, quorum singulari favore vtor fruor, gratias gratus referā) omni exceptione maior testis est, eo ipso tantum quia rex est. Sed heu perditos, heu impios, heu detestandos parricidarum, regicidarum, mores! Dicamne an taceam? Dubius sanè hæreo. Agrigentini, *ut est apud Tatianum in orat. contra Græcos*, faciem Phalaridis anthropophagia contaminatam (qui lactantes adhuc infantes voravit ὅς τὰς ἐπιμασίδας δονόμενος πᾶσιδας) intueri abhorrent. Quid igitur nobis faciendum? Num et simul nostrum erit anthropophagos, imò βασιλεύ-φάγος (liceat namque nouis, sed utinam nouis! facinoribus, noua nomina imponere) verbis nostris tacere, & scelera illorum cum ipsis sceleribus æternum sepelire, qui tam rabidi, tam inhumani, tam impij, tam scelersti, ut eorum sacrilego palatui vel secundum à rege occidisse, plebeium sapiat, sordes sint: quibus, præter in regē solū, imò in regnum integrum parricidales manus immittere, manus in crucem mittere est? Facinora præterita se-

Quid. r. Metamorph.

B.

pelire

pelire humanum, futuris & imminentibus pro virili obui-
are, iustissimum est. Nec enim adhuc parricidij finis est.
Vnius vel alterius regij sanguinis sacratissimi et innocentis-
sime effusione, per damna famem renouat Bestia. In vnus
vel alterius regij sanguinis internecione, quid reliquis in ea-
dem causa constitutis expectandum, demonstrat Babylon
meretricea. Nulla namque, certissimè, futura pax, nulla se-
curitas, quamdiu eadem illorum hominum natura mane-
bit. *Quamdiu enim durat Romuli pastoris vrbs, tam diu
inest quadam adhuc ex pastoribus feritas, spirans indomi-
tum, inquit eleganter Florus. Quis quoque vereatur sce-
lus, cuius in suggestu complicem videt, ait bene Theodoricus
Rex apud Cassiodorum.*

Lib. 1. histor.
Rom. c. 22.

Lib. 6. Variar.
Epist. 4.

Et quomodo poterit esse pax, aut quomodo securitatē
reges sibi polliceri poterunt ab illis, quorum iam in religi-
one proditio poenitentia, conspiratio confessio, regicidi-
um martyrium est? Quorum in superstitione impia regi-
cidium non commisisse, regicidium est? Regibus mortem
non intulisse, mortale peccatum est? Quorum in supersti-
tiosa impietate Deum ipsum solio non deturbasse blasphem-
iæ impietatis est? Regi legitimo & ita Deo ipsi obedien-
tiam, iuratam licet, præstitisse, maiestatis læsæ enorme, &
sacrilegio proximum crimen est? Quam multis & infinitis
parafangis (retulisse non iuaret, si conspiratores illos pes-
simos fecisse pueret poeniteretue) conspiratorum horum
impietas Ethnicam antecedit impietatem: nec antecedit,
sed cum horum conspiratorum collata, laudanda certè &
commendanda pietas est. Admodum ad vtrumque firmiter
probandum quadrat quod legimus Plutarchi Aegide:
Βασιλεῖ Λακεδαιμονίων ἔσθ' οἱ πολέμιοι ῥαδίως ἐν ταῖς μάχαις
ἀπαντεόντες προσέφερον τὰς χεῖρας, ἀλλ' ἐπετρέποντο διεδίστες
καὶ σεβόμενοι τὸ ἀξίωμα. διὸ καὶ πολλῶν γεγονῶ τῶν Λακεδαι-
μονίοις ἀγώνων πρὸς ἑλλήνας εἰς μόνος ἀνῆρεθ' ἡ, πρὸς τῶν φιλιπ-
πικῶν διόρατι πλεονεξίᾳ περὶ Λεύκτρα Κλεόμβροτος.

Regem

Regem Lacedamoniorum, ne hostes quidem temerè, cum occurreret eis in acie, attingebant, sed deflectebant, verentes venerantesque eius maiestatem. Itaque multis in conflictibus, quos conseruerunt cum Gracis Lacedamonij, unus ante Philippi auum lancea ictus occidit in Leuctris Cleombrotus.

Heu! ibi Ethnicus, hic Christianus qui esse vult & videri: ibi impietas, quia paganismus: hic pietas quia Christianismus audire vult: ibi impius Ethnicus manus retrahit; hic Christianus pius manus insert; ibi Ethnicus impius manus retrahit à rege: hic Christianus pius manus insert regi: ibi Ethnicus impius manus retrahit à rege hoste: hic Christianus pius manus insert regi amico: ibi Ethnicus impius manus retrahit à rege hoste in acie pugnante: hic Christianus pius manus insert regi amico pacē procuranti: ibi Ethnicus impius manus retrahit à rege hoste in acie contra se insultante, pugnante: hic Christianus pius manus insert regi amico pacem procuranti & sibi & inimico etiam ipsi. Ibi Ethnicus impius manus retrahit à rege hoste in acie contra se pugnante sibi insultante, ne impius sit & habeatur: hic Christianus pius manus insert regi amico pacem & sibi & ipsi quoque inimico procuranti, ut pius videatur & deuotus. Quæ igitur ab hoc genere hominum, quæ ab hac latrina impietatum, quæ ab hac parricidali spelunca latronum, securitas, quæ pax? quæ obedientia? Nulla: maxime autem nobis & Regi nostro serenissimo.

——— εἰ δὲ φονεῖσι
μῆτρε, ἐν τίνι νῦν οἷσις ἐστ' ἐστὶ τέκνων

——— *si necat autem*

Mater, cui prolem credere posse putas?

Quo quis in superstitione deuotior, eo in refraganda obedientia debita contumacior, peruicacior. A maiore superstitione maior timor. Quo maior autem timor, eo maior in pietatis amicis debet esse in eadem defendenda feruor.

Et quo maior Christus Antichristo, eo maior Christi militibus in oppugnando Antichristo oportet sit ardor. Et certè in hoc arduo defensionis Ecclesiæ Christi negotio, ad quod exsequendum nos hodie præseruauit diuina Dei benignitas, Antichristi supplantatoris doctissima & sacratissima instruxit Maiestas, tantum puto nos dare Antichristo, quantum non detrahimus Antichristo: imò econtra tantum nos detrahere Christo, quantum non detrahimus Antichristo. Bestiam non oppugnasse, contra mulierem pugnasse est: pro muliere contra bestiam non pugnasse, pro Bestia contra mulierem pugnasse, & ita mulierem oppugnasse est. Bestiæ quantum accedit, mulieri tantum decedit. Hic non vigilasse pugnasse maledictum esse est, quia non pugnasse deseruisse, deseruisse prodidisse, prodidisse occidisse, occidisse maledictum esse est.

Contra maledictum igitur vnicum & solum remedium vigilasse pugnasse est: vigilantem pugnans aut turpiter deseruisse, aut adunco naso suspendisse quid aliud quàm prodicionis est? vtrumque quid aliud quam impietatis & Antichristianitatis & Esauiticum est? Vigilandum pugnandum itaque? Non solis sacræ paginæ reuerendis interpretibus: non solis sacratissimæ iustitiæ doctissimis sacerdotibus: non solis arcanorum naturæ scitorum solertissimis investigatoribus: non solis sapientiæ humanæ diuinæ acutissimis indagatoribus: Communis enim causa, communia arma.

Ignoscite igitur & mihi, si exemplum Regis nostri Serenissimi vestrumque sequutus piissimum, in die hac nostra pro die hac nostra, in quiete hac nostra pro quiete hac nostra vigilauero pugnauero, dateque, Viri, Reuerentia, eruditione, virtute, eloquio, sapientia ornatisimi, veniam, vt quod ipsi facitis, faciam & ego, vt ad quæ invicta me cogit necessitas, efficiam, vt contra aduersarium

sarium instantem insultantem iuris naturæ beneficium habeam, ut, ne hostem attraham, si non propellam. Et licet temeraria videri possent hæc mea, quibus contra hostem victor, pleraque etiam à professione mea aliena, arma: tamen pro temeritate excusanda, ipsa, qua vos à natura ornati estis, apud vos, me vel tacente, desudabit humanitas: veniam postulabit impetrabit instans qua simul vobiscum in communi hoc urgeor periculo, necessitas: iniustitiam omnem ab hoc conatu meo ipsa depellet quam adhuc diuinam mentibus vestris abundanter inesse quotidie experior naturalis in syncerè iudicando æquitas: iustissimum prædicabit ipsa cuius iussu hæc facio, diuini præcepti in republ. cui iuravi iuuanda, pro virili, authoritas. οὐχ' ὅτιν τε ἀναδιδῶαι πρὸς τὸς Διὸς κεκελευσμένον. *Non licet detrectare imperium Iouis.* Et quis sine læsione diuini Numinis temerarium diceret eum, quem, ut vigilando se defenderet, ipsa cogeret, iuberet, æquitas, humanitas, necessitas, authoritas? Quis sine vituperatione rideret, quem ipsa, ut vigilaret pro se, conseruaret summa diuinæ potentiae in hac liberatione benignitas? Aequalia nostra hæc arma doctissimis non sunt? Armis hisce nos armauit is qui supremus in hac pugna causaque & sospitator, & victor, & dux Deus est. Cum duce igitur Deo quare melioribus nos non instruxerit armis, non cum milite, expostulandum. Quid quod & sacra hæc tyrones suos habeat militia: & in magno tumultu & interneciua necessitate contra necessitatem hostemque extremè desperatum, vel conatu, vel gemitu, vel arena pugnasse imperatorium est. Aut num hostem contra quem extremè desperatum esse negabimus? Ceu incensa papyro vltima iam iam moribunda oberrans, & vindictæ nutrimentum non inueniens, ne inulta mori videatur, reuiuiscens exstinguitur flammula: sic si bene calciculum posuerimus, obtrito capite, ne inultus cadat minaci

eaudâ quem interficiat, sedulus & furibundus ille antiquus, cum Bestiâ, inquit Draco. Quo interitui vicinior, eo furore & ira rabidior. Sed laudanda summa Dei in nos charitas, quæ eo ipso modo, quo nos miserè laniatos satagebat Bestia, Bestiam ipsam, & nobis & suis adhuc mancipijs vitandam, vincendam, adderem occidendam, nisi iam occisa esset, utpote quia Bestia, demonstravit. Ex ipso facto scelestissimo regioni huic intētato, res manifestissima. Annon enim hac liberatione nos esse in eo qui erat, qui est & qui futurus est, Deus edocuit; & illū, qui erat, qui est, & qui futurus est, in nobis esse hac liberatione Creator probavit, quia cōtrâ idem Deus aduersarios nostros, & omnem conspiratorum illorum scelestissimam turbam parricidalem sepultâ esse in gutture illius, qui erat & non est, & tamē est, manifestissimè conspiratorum horū parricidali facto ostendit, & turbæ illius, eum qui erat, sed iam non est & tamen est, principem & hereditatem esse, re ipsa, horum scelere, orbi toti intimauit? Mirus sermo: *Non est, & tamen est*: & : *quæ non est, & tamen est, Bestia est*: quem vel mediocriter argutus omnis respueret logicus. Sed aliter is aliquādo qui suprarationem est, ut sit & censeatur esse talis, loquitur, semper tamen & ubiq; verè. Nihil enim ex veritate præterquam ipsa veritas. Est igitur Bestia illa & non est. Non est? Num non esse illâ dicemus, quā esse, ipsa æterna & immorta, quia diuina, adstruit in scriptura veritas? Num non esse adseuerabimus, cuius esse, & cuius vivum esse, suo non esse & morte sua infinita interfectorum miseranda clamat calamitas? Num non esse adscribemus illi, cuius non esse, regum, principum, regionum, populorum, urbium & provinciarum destruitur esse? Num non esse adfirmabimus, cuius esse testantur, pro Regibus suis populorum & regnorum, pro principibus suis subiectorum, pro patribus & matribus suis orphanorum liberorum, pro liberis suis,

filiis

Apoc. 17. v. 8.
in fine & in pr.

filiis & filiabus, patrum & matrum orborum, lachrimæ, gemitus, mœstitiæ? Num non esse putabimus, cuius esse semirutorum, parricidali incendio, rudera loquuntur, murorum, lapidum, parietum? Num non esse, iure, vel tantum ratione attribuere poterimus illi, pro cuius non esse innocentum infinitorum è terra ad altissimum clamant sanguines? Contra cuius esse infinitorum millium apud iustissimum vindictam efflagitant mortes? Ratione certè consultata non potest non esse id quod destruit esse. Imò eo fortius esse, quo fortius id cuius per id destruitur esse. Quomodo igitur Bestia hæc non habet esse vel non est, quæ omne esse redigit in non esse? Scriptura & Spiritu sancto consultis num idem statuendum? num rationi assentiendum? Non sanè. Rationi namque contra veritatem assentiri, quia contra veritatem, mendacium est: rationi contra scripturam, quia contra Deum, impietas est. Quid ergo? Hic dicendum, imò eo ipso quia ita est, quia & professione & confessione & operatione, parricida, regicida, conspirator est, non est. Quod enim ita est, ut Bestia hæc, parricida scilicet, regicida, conspirator, annon de eo quod non sit, rectè dixerimus? Aut num esse adseuerabimus ita quod est, ut Bestia hæc est? Mors & infernus quem immediatè sequuntur, num is est? in sinu serpentem suo quialit, num is est? Interitus & exitium quem non fugientem venantur, num is est? Lupus quem fovea ante prædam arreptam arripit, num is est? deluvij fluctu ingruente extra arcam qui est, num is est? Cuius iugulum sica percutiens haurit, num is est? Haud quis dixerit, nisi forsitan sit, ut non sit: cum potius adstruendum, talem qui ita est ut Bestia hæc est, antequam ita est, factò tantum, quò esse suum vertit in non esse, non quidem ex necessitate profluente ex esse, sed ex necessitate profluente ex ita esse, excepto, desijisse esse id quod est.

Quid

2. Thes. 2. v. 3.
cum seqq.

Apoc. 17. v. 8.

d. v. 8.

d. v. 8.

Quid enim, annon immutabili naturæ ordine necessarium omnino est, ut mortem ante mortem facinore induat, qui spem vitæ ante mortem facinore exuit? Quemadmodum enim ante charitatē proximi necessariò exuenda est charitas Dei & ita sui ipsius: sic plane necessarium est ut ante iniustam cædem innocentis Bestia propriam prius exuat vitam, & ita mortem suam antecedit? Ad quid igitur Bestiæ esse? Ut per esse tale perveniat ad non esse: imò ut hoc Bestiæ esse sit eiusdem non esse: imò ut per hoc esse Bestia perveniat ad suum non esse, quod erat ante esse. *Filius enim*, ut ipse fatetur Spiritus sanctus, *perditionis est*, cuius esse ante ita esse non esse est. Antequam enim perdat perditionis filius est: dum autem perdit, per id quod perdit, id quod ante perditionem est, facit ut sit. Agendo igitur agit ut patiatur id quod ante actionem patiebatur, & suo ita esse efficit ut sit quod erat ante ita esse, nempe non esse. Paradoxon forsitan hoc multis videbitur. Scripturam igitur ipsam sacratissimam testem adhibeamus infallibilem, ex qua si quæsiuerimus quid Bestia sit ante ita esse, non esse respondebit. *Ex abyss*o namque. Quid in ita esse? Executio & adimpletio eius quod erat ante ita esse. *Ex abyss*o namq; *in perditionem*: & ita à perditione, per perditionem, in perditionem: à non esse per ita esse ad iterum non esse. Erat, namque in scriptura à Spiritu sancto præponitur ipsi ita esse quod non esse est. *Erat*, dicit textus, & *iam non est*, & *tamen est*. Quales igitur et illi futuri sunt, qui vnà cum Bestia illa ita sunt, ut non sint? Miserrimos sanè eosdem puto omnium mortalium, qui ad eò Bestiæ voluptate capti, ad eò fallaci eius esse, quod non esse est, fascinati, ut ad admirationem vsque et papè exclamationem rapti, ex crudelitate eiusdem, & eiusdem & suum videre nequeant extremum interitum: miserrimos, qui eiusdem dolo parricidali dolosè circumuerti, id quod non est, quasi non

non tantum esset, verum quasi Deus ipse esset, flexis genibus adorare, osculo pedum reuereri non erubescunt. Quid enim aliud boni à Bestia Bestiam adorans, quam quod in patrimonio et esse est Bestiæ? Non nisi perditio à perditionis venit filio. Et à malo impossibile est vt oriatur nisi malum: quia à Deo solo bona cuncta procedunt, et ea quæ à Bonitate ipsa valdè dicuntur bona: quæ tamen bona ab iisdem, qui Bestiæ caractere notati eandem adorant in tantum absunt, vt ex iam deducto rationis certissimæ immoto fundamento asserere non dubitem, quod nec Deus ipse in illorum inueniatur congregationibus. Quid enim magis manifestū, quid magis verum, quam quod ipsa Essentialis Veritas apud Euangelistam sacratissimo ore protulit, quod nimirum Deus sit Deus viuentium, et non mortuorum. Si viuentium tantum, cui dubium, Deum apud hos non esse, qui, dum ita sunt, non sunt, quia mortui sunt, dum ita viui sunt: qui in hoc sunt, vt non sint, quia dum hoc sunt, non sunt. Quid magis apertum & notum, vel mediocriter tantum in sacris literis versato, quàm mortuorum nullas esse posse in Deum laudes, nullas pias deuotiones, nullas orationes? Si igitur hi, de quibus nos loquimur, & è quorum parricidalibus manibus Deus hac liberatione nos saluos eripuit, sibi ipsi conseruauit, consecrauit, mortui sunt, & ita non sunt, quales eos esse iam ante diximus & probauimus, num illorum aliqua in Deum poterit esse deuotio, laudatio, oratio? Non laudant Deum qui in sepulcris sunt. *Nunquid enim mortui, inquit scriptura, laudabunt te? & qui in sepulcris sunt, num celebrabunt nomen tuum?* Et alibi inquit Spiritus sanctus: *Laudabo Dominum in vita mea, & quamdiu fuero.* Et iterū alibi: *Omnis spiritus, seu omne quod viuit, laudet nomen Domini.*

Gene. I. v. 5

Mat. 22. v. 32.

Psal. 88. v. 10.
11. 12.

Psal. 150. v. 6.

Oratione autem, laudatione et gratiarū actione cessante, vel vt hīc planè absente, quid aliud quam non esse, hoc est,

C. peccatum

peccatum adesse poterit, & propter peccatum ira Dei æterna, quæ nihil certè aliud quam ipsa mors æterna? O iterū ergo iterumque miserrimos illos, regicidiis & peccatis qui ostendunt quod sint, & ita ostendendo quod sint, sese præcipitant in æternum quod non sint. Sed non est, & tamen est. Quia id quod sine verbo est non est, quia nihil est. Antequam enim Deus loqueretur, nihil erat. Sed postquam dixit: *Fiat: factum est omne.* Dixit enim & *creata sunt* quæ sunt. *Verbo Domini cæli creati sunt, & spiritu oris eius omnis exercitus eorum. In principio erat Verbum, & omnia per Verbum facta sunt, & sine eo factum est nihil.* Vnde benè Augustinus: *O verbum, per quod facta sunt omnia, & sine quo factum est nihil. Verbum, quod est ante omnia, & ante quod nihil. Verbum creans omnia, sine quo omnia nihil. Verbum regens omnia, sine quo nihil sunt omnia.* Si nihil est, ut est, quia sine verbo est, sine quo quod est, nihil est, simul & malū est. *Omnia, inquit iterum Augustinus, quæ facta non sunt, bona non sunt, quia omnia quæcunque facta sunt, bona sunt, & ideo mala sunt quæ facta non sunt, & ideo nihil sunt, quia sine verbo factum est nihil.* Sine verbo est, et creante, et à creante nobis creaturis suis relicto. Nam et sine hoc quod est nihil est, et ita non est, in tantum, ut et in ipso adhuc integritatis naturæ nostræ statu in Paradiso opus fuerit verbo: *Ne comederis de arbore cognitionis boni & mali:* nulla certè alia ex causa, quam quia vel tum homo sine verbo esse nō poterat. Quid igitur mirum, si iam post lapsum in statu naturæ corruptæ Deus ad sustentationem creaturæ et plasmatis sui duplici iterum verbo, et iustitiæ et gratiæ, seu legis et Euangelij, usus fuerit? Nam et certè hic nulla alia est huius verbi dati causa, quam quia etiam post lapsum sine neutro esse poterat. Et sanè tanta utriusque verbi creatoris et à creatore dati est affinitas, tamque arcta conglutinatio, ut omnia ab illo

Gen. i. ve. 3.

cum seqq.

Psal. 33.

ver. 6. & 9.

Ioh. i. v. 3.

Soliloq. c. 3.

Soliloq. c. 5.

Gen. 2. v. 17

illo licet sint, sine hoc tamen si sint, Christianè loquendo, non sint. Ex qua alia enim causâ ipse discipulus ad Verbum creatorem: *Quorsum, inquit, ibimus, cum tu habeas ver-* Ioh. 6. v. 68.
ba vita aterna? seu verba viua? Aut qua alia ex causâ ille Euangelistarum: *Qui non crediderit verbo, non videbit* Ioh. 3. v. 18.
vitam? Et dati verbi partem illam alteram, legem scilicet qua alia ex causâ regius Propheta David encomio longissi-
 mo decantat, nominans illâ recreationē et refrigerium su- Psal. 119. v. 25
 um, consolationem suam in tribulatione, pretiosiorē om- 35. 40. 50. 52
 ni auro atque argento, omni melle dulciorem, lucernam 72. 103. 105.
 pedum suorum, quam quia sine hac nullus futurus erat? *Nisi enim, inquit, Domine lex tua & verbum tuum fuisset*
refrigerium meum, perissem in afflictione mea. Tanta quo- que est huius verbi dignitas, tanta ad omnium conseruationem æternam necessitas, vt non solum Deus, vt iam dictum, verbo omnia crearit, verbo omnia viuificarit, verū etiam ad Ecclesiæ suæ veræ conuocationem et collectionē, nullo alio medio, nullo alio modo vti voluerit, quam verbo et sermone velociter currente, et vnâ cum ijs qui verbū illud habent in æternum permanente. *Docete enim inquit* Math. 28. v. 19
 ad discipulos suos: ne nihilo Ecclesiam colligeret suam, si non verbo: cum sine verbo factum sit nihil. Nec vocauit tantum et collegit sed in verbo, non à carne et sanguine sed Math. 16. v. 17.
 à patre Verbi qui in coelis est reuelante, Verbum Ecclesi- am suam fundauit, vt quod solum est petra: (*Verbum nam-* Esai. 40. v. 8.
que Domini manet in aeternum: non Petrus) super quam exædificatam Ecclesiam portæ inferorum vincere neque- unt. Nec fundauit tantum, sed in verbo, per verbū in per- petuum et in æternū eandem conseruatam iri, ipsum Ver- bum affirmavit. *Verbo enim huic qui crediderit mortē non* Ioh. 3. v. 17.
videbit, sed in aeternum viuet. Nec hoc tantum, altius cer- tē verbi huius indaganda auctoritas est et antiquitas, et ita, secundum Tertullianum, ex antiquitate veritas. Tanta igitur

Ioh. 1. v. 2.
d. v. 2.
Ro. 10. v. 17
Ioh. 1. v. 18.
Ioh. 1. v. 1.
Exod. 3. v. 14.

tur verbi est authoritas vt sine verbo ipsa immortalis non potuerit esse Deitas. Antequam enim crearetur mundi huius caua conuexitas, erat sacrosancta & indiuidua Trinitas. Nulla autem potuit esse in personis Trinitas, nisi fuisset æterni gignentis Patris, æterni geniti Filij, seu Verbi, æterni Spiritus sancti ab vtroque procedentis in essentia vnitatis, in vnitatis æternitas. *Verbum*, inquit Iohannes, *erat apud Deum, & Deus erat verbum*. Sic igitur gradatim ascendendo: Vnde vita æterna? Ex fide. Vnde fides? Ex auditu. Vnde auditus? Per verbum. Vnde verbum? à verbo. Quid Verbum? Deus. Quid Deus? Is qui est. Est igitur vita æterna ab eo qui est, qui Deus est, sine quo qui est nihil est, quia sine verbo est, sine quo quod est, nihil est. Quò ergo vesaniæ progressus aut prolapsus perditionis filius et Bestia quæ non est et tamen est, vt verbo et prædicatione malitiosè conculcata, impiè relicta, ad cædes, ad parricidia, ad regicidia, ad regnicidia sacrilegè parricidales carnificis manus periurus admoueat, & signo hoc Antichristianitatis suppresso, simplicioribus, quasi Deus esset, ipse Antichristus, pessimè imponat, affirmans & falsissimè adstruens cædibus regum regnorumq; augeri & propagari posse religionem, Ecclesiam augmentari? Ex nihilo id quod in perpetuum permanens, deduci? Ex peccato regnum Dei exædificari? Antichristi hæc infallibilis nota est.

Deus post primam creationem omnia ab esse producit ad esse: Bestia contra omnia à non esse, per non esse, ad esse deducere conatur. Et hoc quid aliud quàm supra Deum sese eleuare (alia infallibilis Antichristi nota) & populo Christi sanguine redempto, sub specie pietatis blasphemiam, sub Christi imagine verum Antichristum venditare? Verbo cuncta creare, viuificare, conseruare, Dei & Christi: cædibus velle cuncta creare, viuificare, conseruare, Diaboli & Anti-

Antichristi est: quia ille, qui semper fuit, est & futurus est, non potest nisi per est facere id quod est: hic contra non potest nisi per non esse efficere, ut id quod est non sit, quia ipse non est, & tamen est: & quia non est, & tamen est, Antichristus & Bestia est, quia ut Deus est is qui est, sic Antichristus est is qui non est, & tamen est, & quia Antichristus & Bestia est, sine vera religione est, quia vera religio sine cædibus, sine parricidiis, sine regicidiis est: id autem quod cum cædibus, cum parricidiis, cum regicidiis est, & blasphemiae Bestiae, & Mahometismi infallibilis nota est. Qua enim alia Antichristum depingit nota Spiritus sanctus, quā in mulierem, in filium, in sanctos, sæuitia? Qua alia sacrarum literarum interpres Mahometismum, quam cæde & crudelitate? De illa videatur Iohannes: de hac audiat Barthol. Picenus, qui: *Decimo*, inquit, *debemus considerare, quod Alcoranū non est lex Dei. Violenta enim est. Et, ut breuiter dicā, lex hac propriè potest dici lex cadis & mortis, non solum quod ad æternam mortem homines mittit, sed quod corporali cæde homines cogit credere quæ ab ipsa dicuntur. Et in ipso Alcorano, in c. Emparaca, quod interpretatur Vacca, dicitur, quod in lege Domini non est compulsio. Quæ autem maior compulsio, quæ cades? Lex igitur, quæ per hanc homines compellit, non est lex Dei. Ipsi autem Sarraceni vocant eam denominatiuè Elesalem, quod interpretatur lex salutis Dei, quæ propriè debet dici, sicut dictum est, lex cadis & mortis. Et hac via cōmoda fuit tali legi & legislatori, ut timore mortis corporalis consentiant (homines) legi mortis æternæ: sicut econuerso Christiani corporalem mortem contēnentes vitam æternam consequuntur. Ut vidit Mahometus, potius autem alumnus eius Diabolus, legem hanc à lege diuina omnino differre, & ab eo quod in veteri & nouo Testamento, & ad seipsum dissentire, & absq; omni ratione & miraculo manifesta*

Apoc. 12. v. 13.

15. 17.

Confut. Alcor.

c. 10.

mendacia continere, & cum existimaret, multa propter hæc fore quæ ei contradicerent, dedit ipsi Mahomet instrumentum proprium, hoc est ensẽ ad interimendum, & ipse dedit mandatum in lege ut interimerentur, quicunq; huic legi aduersarentur & non crederent. Et propter hoc non in vno solum capitulo dicitur, sed per totum librum sicut mandatum quoddam vniuersale, Interimite, interimite. Hac via manifestè contraria est Christo, qui mandat & inimicos amare, & pro persequentibus orare, & eis qui nos offendunt benefacere. Sed Mahometus Antichristi præcursor existens, viam præparauit in mundo perditionis filio. Et mox: Tria sunt manifestissima signa violentiæ prædictæ legis. Primum est, quod Mahometus illis dixerit, in tantum permanere legem eius, in quantum eis permaneat, & in armis vis & temporalis potentia. Secundum, quando ad doctrinam conueniunt ut legem eos Saracenorum magister doceat, is qui proponere debet verbum, prius nudans ensẽ nudum manu detinet, & in quantum docet ponit ad terrorem in quodam eminenti loco. Tertium signum cadis & violentiæ est, quod Assassini à Saracenis nutriuntur, homicida hominum futuri, quibus ex ipsa actione actiua & passiuã vitam æternam promittunt, & mittunt eos per orbem terrarum, ut principes mundi dolose interimant. Hi autem Assassini castra habent & arces circa Libtum montem, obediuntq; Sultano Babylonis, qui est caput Saracenorum. Hiq; ordine & legibus Saraceni sunt, & non vocantur Assassini à Saracenis, sed Ismaëlita (melius Iesuitæ) quasi radix & tribus Saracenorum, & primi defensores & conseruatores legis Mahometicæ. Ad hoc enim præcipuè nutriuntur & instruuntur, ut eadem faciant. Et ex hoc manifestum quod lex hæc non est Dei.

N.B.

Haftenus ille non tam Saracenos, quam viuis coloribus ad amussim Bestiam quæ non est & tamen est, & eiusdem

dem sicarios pessimos, in principum & regum cædes pastos & enutritos depinxit, cui & præter infinitos alios suffragatur Benedictus Pererius, qui de secta Mahometana & de causis durationis illius: *postremò, inquit ista lex & secta non per efficaciam prædicationis, nec per mirabilitatem signorum & prodigiorum persuasa est hominibus, sed inuenta & intrusa per vim bellicam & terrores bellicos & tyrannicam violentiam.* Et post Iun. Brut. Iohannes Faber, Ferdinandi Hungariæ & Bohemiæ Regis, ad Sereniss. Henricum VIII. Angliæ Franciæ & Hybernæ, Regem, legatus: *Mahometes, inquit, quos dulcedine voluptatum & titillatione carnis permulcere nequit, vi adigere animo suo cogitavit.* Quomodo igitur, aut qua ratione, aut qua conscientia, zelum religionis & eiusdem veræ propagationem sacrilegus parricida & regicida ingeminare, quomodo parricidia talia martyrij corona cohonestare possit Bestia, religione vera, ex propria crudelitate parricidali conuicta, destituta, non video. In religione vera pro religione vera, & ita innocenter mortuum esse, martyrium est verum, non pro crimine, pro parricidio, pro regicidio iustum mortis supplicium sustinuisse: nisi forsitan facinorosorum, & latronum, & parricidarum, & Saracenorum condigna meritis mortis poena Bestiæ cum sequacibus martyrium est. *Vincenti quoque inquit scriptura; & currenti corona datur.* Num autem currit aut vincit, qui, antequam currere incipiat, desinat? qui antequam vincat, si tamen reges occidere vincere est, quod nemo nisi homicida primus cum mancipiis suis dixerit, se ipsum interimat? Aut num is est, qui est, dum ita est? Certe dum ita est, non est, quia sine verbo est, sine quo quod est, nihil est, & ita non est. Sine verbo, non tam, ut iam demonstratum, prædicante, sed etiam sine verbo prædicato. Sine hoc enim si non esset Bestia, nec esset sine illo. Sed sine hoc dum est, est & sine illo. Quemadmodum enim impossibile

Disp. 20. de
Antichr.

Vind. cont.
Tyr. 7. 2. f. (m)
73.
In fascic. rer.

Apoc. 2. v. 7.

Rom 10.v.17

possibile illud esse posse sine hoc, cum ignoti nulla cupido: & cum credere quis non possit, nisi prius audiuerit: *Ex auditu namque fides est*: sic æquè impossibile hoc posse esse sine illo. Vbi enim ignis, ibi calor; vbi Spiritus & Christus, ibi vita; vbi fides, ibi opera; vbi sponsus, ibi læticia. Et num non sine verbo prædicato, quia contra verbum prædicatum, cui supra verbum prædicatum traditio est? supra Deum homo? supra veritatē opinio? supra certitudinem incertum? Num non contra verbū prædicatum, & ita sine verbo prædicato est, cui contra verbū prædicatum, & contra Verbum increatum, & contra Verbum incarnatum, pro cruce corona, pro clauibus gladius, pro filio & discipulo carnifex & parricida est? Num non contra verbum prædicatum, et ita sine verbo prædicato, cui contra verbum prædicatum & incarnatum, in leges diuinas & humanas sacriliga & cruenta potestas? Quis omnium, cui vel primo statim iutuitu, clara aperta que experientia comprobante, non occurrat, in tantum abesse Bestiam à verbo prædicato, in quantū ab ordinatione et verbis scripturæ abest, humana, de qua est, quod erroneus ille sit cultus, traditio? Facillimum factu, nisi infinitorum Theologorum, de hac quæstione felicissimè, et eruditissimè, et inuietissimè pius publicatus labor ab incepto persuadendo nos auocaret, falsitatem sententiæ illius referre & refutare: sed ne actum agere videamur, et post Homerum Iliada, missis illis, hoc tantum addendum hîc duximus, conari Bestiam, id, quod, dum ita est, non est, & sacratissimorum Imperatorum nostrorum rescriptis confirmare. Traditiones namque suas vt defendat, et ita id quod falsò adstruit, quasi iustum et verum venditet, à iure ciuili ad Theologiam arguere non veretur. Sic enim sub rubrica: De Traditionibus Ecclesiasticis eas obseruandas esse, licet non contineantur in expresso Verbo Dei scripto:

Ioh. Paul. Windek Theolog.
iureconsult.
lib. 1. loc. 1.

*In republica, inquit, Ciuili, eadem est vis CONSVETV-
DINVM approbatarum & legum SCRIPTARVM. l. di-
uturna. ff. de legib. Hinc Cæsares sanxerunt, quatuor Conci-
lijs Oecumenicis primis indubitata fidem adhibendam esse,
licet permulta eorum decreta in canone scripturarum non ex-
pressè contineantur C. de her. & Manich. l. quicumque &c.*

Sed quid inde? Est enim in republ. & politica consuetudinē
pro lege esse et legis vim obtinere, quid tamē exinde ad The-
ologiam? Annon iniure certissima regula: A separatīs ad
separata nihil inferri? Quid quod & sententia illa vsque qua-
que vera non est, cum alio in loco rescriptum sit, *consuetudi-
nis ususque longani non vilem quidem esse auctoritatem, ve-
rum non vsque adeo sui valituram momento, ut aut rationem
vincat aut legem?* Quid quod & Augustinus: *Veritate ma-
nifestata, inquit, cedat consuetudo veritati:* Et iterum: *Ne-
mo consuetudinem rationi & veritati praeponat, quia consue-
tudinem ratio & veritas semper excludit.* Et Gregorius: *Si
consuetudinem fortassis opponas, aduertendum quod Domi-
nus dicit: Ego sum veritas & vita: non dixit, Ego sum con-
suetudo, sed veritas.* Et certē, ut Cypriani vtamur sententia,
*Qualibet consuetudo, quantumvis vetusta quantumvis vul-
gata, veritati omnino est postponenda, & usus, qui veritati est
contrarius, abolendus.*

Quid quod ille ipse textus quem pro suæ sententiæ addu-
cit confirmatione, rei in quam adducitur, ita contrarius est,
ut ipsam planē et omnino refutet. Quare enim ibidem con-
suetudo pro lege est? aut quibus in causis consuetudo pro
lege est? Annon quia non tam legis quam consuetudinis, &
non tam consuetudinis quam legis potestas omnis & autho-
ritas à republ. est? Sic enim Ictus Iulianus: *Quid, inquit, in-
terest, suffragio populus voluntatem suam declaret, an rebus
ipsis & factis?* In quibus autem? *In his,* inquit idem Ictus,
*quæ ex non scripto descendunt, seu, ut est alibi, cum deficit
lex.*

L. 20. in pr.
ff. minor.

L. 2. C. quæ sit
long. consuet.

Lib. 3. de Bap-
tism. cont. Do-
nat. c. 5. & est
in c. 4. d. 8. p. 1.
c. 8.
c. 5. d. 8. p. 1.

L. 32 § 1. ff. LL.

1. Cor. 1.

v. 2.

2. Cor. 1.

v. 1.

Gala. 1. v. 2.

Deut. 4. v. 2.

& Deut. 12.

ver. 2.

lex. Licitum enim est populo aut scripto iure uti, aut non scripto. Si igitur et traditio obseruanda ex præscripto huius iuris, pro iure seu pro verbo scripto, necessarium omninò est, ut simul sequatur & scripturam ab Ecclesia esse, ut in quo nihil intersit scripto an non scripto Ecclesia voluntatem suam declaret. Sed si scriptura dependet ab Ecclesia, unde dependebit Ecclesia? A verbo dependere Ecclesiam constat. Si à verbo, annon Ecclesiæ credendum propter verbum? Si propter verbū, annon magis verbo, cum propter quod vnūquodque tale, illud magis tale. Si magis verbo, nullis certè traditionibus, cum ex verbo constet, verbo tantum uti debere Ecclesiam scripto, non autem non scripto seu traditione. Nulla igitur ex iure contra verbum traditio est, quia, & quod in iure à iure permissum est, id in scriptura à scriptura prohibitum est.

L. Quicun-
que. C. hæz.
& Manich,

Sed quatuor Concilia Oecumenica pro traditione stabilien-
da obijciunt, eorumq; ab imperatoribus factam obseruan-
tiæ sanctionem. Fatemur sanctionem illam obseruandam, &
concilia. Num autem quia sunt tradititia? Quod scriptura
expressè confirmat tradititium non est. Non igitur quia Oe-
cumenicum est, sed quia verbo Dei consentaneum est. Ma-
gis itaque verbo Dei quam Concilio, in tantum, ut quod ex
præscripto verbi Dei non est, nec Oecumenicum, nec cre-
dendum, sed Bestiæ, quæ non est & tamen est adscribendum.
Hoc igitur posito et probato, quo iure, aut quo priuilegio,
aut qua concessione Bestia, ius triplicis coronæ, duplicis
gladij vsum, et possessionē superioritatis in omnes reges et
principes tuebitur? Num iure diuino? Negat scriptura, et
eiusdem saniores interpretes: testatur omnis iam mundus.
Et rectè. Si enim vult esse rex, necessum est, ut talis sit, qua-
lis fuit & est is, à quo falsò Bestia affirmat sibi coronam & su-
perioritatem in reges omnes et principes esse concessam.
Qualis autem ille Rex? Rex Verbum, Rex verbi seu verita-
tis.

ris. Quæ corona Regis huius, qui gladius? prædicatio & ita
 verbum, & quidem in tantum, vt ipsum Verbum incarna-
 tum, sine verbo prædicato non poterat esse Rex. Sic enim
 dicit ipsum Verbum: *Rex sum, & in hoc natus, vt veritatē* Ioh. 18. v. 37.
dicam. Si igitur ipsum Verbum incarnatum, sine verbo præ-
 dicato, verbi prædicator, Rex esse non poterat, quid de no-
 stro triplicato dicendum erit rege, quem & sine verbo incar-
 nato, et sine verbo prædicato, et sine verbo prædicante esse,
 & ita non esse, ex ipso conspiratorio eiusdē facto plus quàm
 manifestè euicimus? Num iure humano? Hic tentabit quid,
 vt fidem faciat. Nullis enim dicet se subiectum legibus, sed
 se habere potestatem super omnia iura. Quò autem iuris fun-
 damento? Proprium ius admittendum non est, cum plus æ-
 quo in causa propria sibi fauorabilis sit iudex, habeatq; om-
 nia iura in scrinio pectoris sui. Ius ergo ciuile videamus ex
 quo id quod dicit stabilire conatur. Si Iustiniano, arguit, licet Windek. d. lib. 1. loc. 7.
 dicere Deū principi leges subiecisse, cur idē non liceret pon-
 tifici. Et si Iustiniano & Ictis licitum est adstruere, principē
 legib. esse solutum, quare hoc idem denegaretur pontifici?
 Sic enim ille qui supra, sub rubr: de Pontificis Romani pri-
 vilegiis, et quod ea iuri ciuili non repugnent: n. 3. vbi rubri-
 cæ sic conceptæ: Papam habere potestatem super omnia iu-
 ra: subiicit: *c. 1. de constit. lib. 6. Romanus pontifex omnia*
iura censetur habere in scrinio pectoris. Hoc idem senserunt
Honorius et Theodosius impp. gl. in c. praterea. dist. 23. dicit:
Papam habere omnia iura in scrinio pectoris præsumptiuè seu
per interpretationem. Nec mirum, cum iuxta vulgatissimas
leges sub tit. ff. & C. de LL. eius est interpretari cuius est con-
dere. Si Iustiniano Casari dicere licuit in Auth. de Consul. s.
fin. Deum principi leges subiecisse, & eum esse hominum legē
animatam, cur non etiam Pontifici liceret dicere eum plenam
potestatem habere super leges. Huc faciunt & pulchrè per con-
sequentiam trahi possunt quæ scribuntur C. de legib. & Con-
stit.

*fit. l. digna vox. &c. Et mox: Quod princeps vult hoc est lex. ff. constit. princip. l. 1. Hoc etiam Papa licet. Et iterum d. loco. sub rubr: Papam nullis subiectū esse iuribus: 25. q. 1. Romana sedes, inquit, vim dat iuribus, ac nullis Papa subditus est iuribus. Idem sentit ius civile principem solutum esse legibus. l. princeps. ff. de legib. Nihilominus Urbanus, Zosimus, Marcellus & Hormisdas Papa in Epistolis decretalibus profitentur se leges Romanae Ecclesiae tenaciter servare. Digna enim est vox maiestatis regnantis legibus alligatum se principem profiteri, l. digna vox. C. de legib. ubi memorabilem hanc sententiam Theodosius & Valentinus imp. protulerunt. Egregia sanè probandi ratio, tacendo magis quam loquendo refutanda, ut quæ præter principij petitionis morbum, à baculo stante ad victoriam Pompeij concludit. Quare enim Reges & Imperatores hoc de se? Quia à Deo sunt, quibus omnis anima ab Apostolo subiecta esse iubetur; non, ut falsò adstruit Bestia et sequaces, à se, aut mediatè, à nuda voluntate populi semper et in perpetuum ambulatoria, sed immediatè à Deo. Quod cum in Bestia cesset, & nullo iure probari possit, quid impedit quo minus contrarium statuamus, maximè cum constet eo ipso dum Imperatores de seipsis tantum loquuntur suisque iuribus & priuilegiis, id ipsum quod de se in altero negare? Quid prohibebit, quo minus eandem legibus imperatorum iure hoc nostro rectè subiiciamus. Licet enim ipse imperator statuatur oportere sacras regulas pro legibus valere, num tamen exinde planè nullis legibus nullisque iuribus pontificem & clerum statuet subiectum? Tantum certè hoc abest à dictis verbis, ut absolutè contrarium exinde sequatur, et legibus imperatorum Bestia cum omni clero subiiciatur. Annon enim imperator d. Nouell. 6. in pr. expresse præmittit differentiam inter sacerdotium & imperium? Annon utriusque propriam & differentem à subiecto suo proprio ponit definitionem, dū inquit: *Illud* (sacerdotium)*

Ro. 13. v. 1.

Nouell. 6. c.
1 §. 8. in fin.

d. Nouell. 6.
in præfat.

um) *diuinis ministrans, hoc, (imperium) humanis præsidens, ac diligentiam exhibens.*

Si igitur imperium humanis præsidet, & diligentiam exhibet, quomodo ius illud ad Bestiam, aut ad clerum, quorum officiū est, vt pro imperatoribus & imperio semper Deo supplicent? Quid quoq; imperator d. Nouella statuit, aut ordinat? Sacerdotum honestatem. Si sacerdotum, sacerdotum erit Dominus. Cui enim alij quam subdito legem damus? cum nihil aliud sit lex, quam communis reipubl. sponso. Et

l. 1. ff. LL.

in non subditum facta lex nulla est & elusoria, cum extra provinciam ius dicenti impunè non pareatur. Tacemus quod dicto loco, imperator sibi tribuat maximam sollicitudinem circa vera Dei dogmata. Nec subterfugiū hīc aliquod inueniet lubrica illa aduersarij calliditas, excipiens, & differentiam constituens inter ministerialiter & principaliter, seu inter executiuè & authoritatiuè seu decisiuè. Tam enim firmus, tāq; solidus in contrarium locus ipse est, friuola illa confictaque subterfugij nebula vel momento dissipetur. Nos enim, inquit, *sancimus: & quidem legem: nos non permittimus; nos*

d. Nou. 6. c. 1. in pr. & § 5. & §.

7.

volumus: hoc omnino quarimus super Deo amabilibus Episcopis, sicut etiam prius duabus nostris constitutionibus sancitum est. Num vt pontificis executor, apparitor, vel minister? Mu-

tus de hoc textus. Instabit, imperatorem ibidem loqui de sacris regulis. Fatemur. Sed quid inde? Num sacras leges nominat quales ita sunt, constitutæ scilicet à pontifice? Non san-

d. Nou. 6. in præf. in fin.

nè: sed quia ipse imperator sequitur iustos et laudandos, et adorandos inspectores & ministros Dei verbi Apostolos et sanctos patres. Eteo ipso quod imperator dicit: *& à se præ-*

d. c. 1.

cedentibus imperatoribus & à se ipso rectè dictum: Oportere sacras regulas pro legibus observari: quid aliud innuit, quā vt ostendat, regularum illarū observantiam liberi fuisse arbitrij, non necessitatis: nec valuisse, legibus imperatoriis nisi fuissent confirmatæ. Qui autem horum maior? Pro confirmante &

ratio pugnat & lex, vsq; adeo, vt confirmanti legis illius plenè iure competat defensio, & violatæ legis contra violentem ad eum pertineat executio? Quod ipsum et in hoc imperatoris edicto plus quàm manifestissimum: *Neque civiles, inquit, leges delictum* (contra dictam legem commissum) *inultum relinquent.* Sed videamus iam aliam, qua pro superioritate sua stabilienda Bestia vtitur, iuris nostri rationem, quæ ex Nouell. 83. s. 1. desumpta, vbi habetur quod *tunc licentia concedatur clericis ad civiles indices pergere, quando non fuerit possibile Deo amabili Episcopo negotium decidere.* Sed hîc satis mirari nequeo, quo imprudentiæ aut impudentiæ prolapsi Bestiæ defensores, non verentur cæci, pro sententiæ suæ iniustissimæ cōfirmatione adducere id, quod è diametro eidem est contrarium. Quis enim, quæso, nisi omni planè ratione destitutus, omni sensu priuatus, omni intellectu ex-

Exod. 18. v. 26. tus argueret: Quia tum demum res controuersa deferebatur ad Mosem, quando iudices inferiores rem finire non poterāt. Ergo inferiores illi iudices sunt superiores Mose. Quod idē est in Mose & Deo. Imo eo ipso annon apertissimè euincitur contrarium, eos scilicet esse subiectos? A quo enim ad quem fit causæ deuolutio? scripturæ oracula adspice, iuris consulta consule, & scriptura & iure adstipulante à minore ad maiorem, ab inferiore ad superiorem. Quis quoq; maior, an is qui dat priuilegium, an is qui accipit? illum esse qui dat, nemo est qui ambigat. Si igitur ex hoc ipso textu priuilegium esse id quod clerici exempti sunt à foro laico in causis ciuilibus, (in causis ciuilibus inquam, esse aliud namq; in criminalibus ipse textus adfirmat) demonstraerimus, annon simul ex eodem priuilegio, clericos adhuc ratione superioritatis subiectos esse imperatoribus, euicerimus? Quid ni. Si igitur est priuilegium, vt esse ipse apertissimè locus probat, (expresse namque dicit: *petiti sumus à Menna Deo amabili Archiepiscopo, huius felicissimæ ciuitatis vniuersali patriarcha,*

d. v. 26. & totū
tit. ff. de appoll.

l. 16. ff. L L.

d. Nou. 83. in
præfat.

cha, reuerendissimis clericis hoc dare priuilegium, vt si quis habeat aduersus eos quamlibet pecuniariam causam, prius ad Deo amabilem Archiepiscopum pergat sub quo constitutus est, & interpellet eum, & ex non scripto iudicium mereatur)
 necessum sane omninò erit, vt præsupponamus ius aliquod, cuius respectu priuilegium est priuilegium. Est enim priuilegiū ius, contra cōmunem iuris rationē ex causā legitima ab imperatore, vel alio potestātē faciendū id habente indultū. Si ius, ius aut diuinum, aut humanum. Siue autem diuinum, siue humanum, fatendum, vt, si priuilegium illud sit iuris diuini, olim fuisse eundem priuilegiatum subiectum iuri illi. Si iuris humani, idem dicendum, cum exemptum esse necessariò velit aliquid de quo dici queat, ex eo exemptū esse: cum naturā priuatio præsupponat habitū præcedentē. Iuris diuini an sit, iam nostri propositi inquirere non est, cū satis cōstet, nō esse. De iure igitur humano. Esse autē de iure humano ipse aduersarius adstruit, & textus dictæ Nouellæ plenissimè probat. Sequetur igitur exemptum olim fuisse sub iure humano. Si ergo sub iure humano fuit, quomodo igitur iam iure humano superior esse poterit? Num priuilegii hæc vis, vt priuilegiatū superiorem cōstituat priuilegiant: e? Refragatur priuilegii vis, repugnat effectus, negat legislatoris illius singularis intentio. Eximit namq; eundem cui priuilegiū conceditur à iure illo, quod sibi commune est cum reliquis, superiorem non facit, imò magis obligat, & maiorem obedientiā requirit à priuilegiato exhibendam priuilegianti. Quo enim maius beneficium, eo maior & arctior obligatio. Et quid si adderemus iustè, quia iure approbante, cum omne priuilegium cōcedatur ratione alicuius causæ, vel propter causam aliquam præcedentem, quod cessante illa causā priuilegium sit reuocatorium? iuris namq; certissimi dispositio: quod :cessante ratione constitutionis cesset & ipsa constitutio. Et alibi ex ratione relatum: cessante causa cessare effectum.

d.l. 16. & l. 14.
ff. LL.

d.l. 14. d.l. 16.

d.l. 16. ff. LL.

l. seruis. 38. C.
Episc. & cler. c.
et si Christus

Obe- 26. de iureiur.

Obediētia igitur singularis & maiestati imperatoriae debita observantia cum fuerit causa huius privilegiatae cōcessionis: eadem autem iam cessante, vtpote privilegiato privilegio suo à iure sibi concessio cōtra idem ius ingratisimè abutente, cessabit & ipsum privilegium, ipsoq; iure potestas redibit ad imperatorem suprema, in ipsos privilegiatos, quæ tamen potestas propter privilegium illud in suspenso tantum fuit, sublata nunquam fuit. Sed mittamus Bestiam illam, quæ non est, & tamen est: est, si de facto parricidalis et iniustissima iuris et iustitiæ omnis, tam diuinæ quam humanæ, eversione et tyrannica v'surpatione loquamur: et tamen propter illa omnia non est, quia non solum sine iure, sed etiam sine Verbo incarnato, sine verbo prædicato, sine verbo prædicante est, vt iam abundè satis monstratum (Deect enim mortuos relinquere mortuis) et ad nostrum redeamus, qui erat, qui est, et qui futurus est, eidemq; gratas, pro salute regis, pro pace regionis, pro incremento religionis, pro die et quiete hac, in die & quiete hac manus tendamus, deuotè precantes vt in hac die et in hac requie in æternum firmiter permaneamus. Deus enim ipse dies nostra et quies est. Deus ipse in hac die nostra quies, in hac quiete nostra dies est. Hæc hæc enim est quies quam fecit Dominus, ne contristemur aut cōturbemur in ea. Hæc hæc est dies quam fecit Dominus: exultemus et lætemur in ea.

FINIS.